

Helse- og sosialdepartementet

Dato: 30.04.2019  
Vår ref.: 2017/485-85  
Saksbehandlar: mernord  
Dykkar ref.:

## Høring - forslag til endring av forskrift om stønad til dekning av utgifter til fysioterapi m.m

Uttale frå "Fylkesrådet for mennesker med nedsatt funksjonsevne i Hordaland" (RMNF)

RMNF har forståelse for at ein tar ei naudsynt opprydning i " Forskrift om stønad til dekning av utgifter til fysioterapi m.m." Ein ser at det kan føra til ei meir fleksibel behandling, noko som kan gagne pasientane. At regelverket blir enklare, er ein fordel for både kommunane og kvar enkelt fysioterapeut.

Når det gjeld pasientbetaling har ein hatt ei ordning med full refusjon til definerte pasientgrupper som for eksempel Astma, enkelte kreftformer osv. Denne ordninga har dei seinare åra blitt kraftig redusert, så pr i dag er det berre desse gruppene som fortsatt har desse rettane; Barn under 16 år, Personar med frikort tak 2, Personar med godkjent yrkesskade og soldatar i førstegangsteneste. Desse pasientgruppene som no er tatt ut av ordninga med full refusjon, er grupper, som på grunn av sjukdom, er falt ut av ordinært arbeid, med redusert økonomi som resultat. Når desse gruppene no må betala eigendel, blir det dessverre ei prioritering, og mange av desse pasientane velgjer difor bort fysikalsk behandling og organisert trening. Dette fører igjen til redusert livskvalitet. (eigendel tak 2 for 2019 er kr 2085). Dette er ei utvikling som RMNF stiller seg svært kritisk til, då dette fører til større sosiale skilnader i samfunnet.

Venleg helsing  
Rådet for menneske med nedsett funksjonsevne i Hordaland

Kjell Håland  
leiar

*Brevet er godkjent elektronisk og har derfor inga underskrift.*